

黿

峰

集

蛟峰集卷之十二

閩郡徐勵興公著

五言排律

登玉皇閣

傑閣千尋從耳層巖接太空
仙家碧霞觀人世葉
珠宮絳節飄明月瑤笙度細風
雕闌環透遞朱
棋巧玲瓏勢俯三山壯
標高八郡雄
帆檣出外甲
第治城中古殿春花繞空山
暮靄籠樓臺
分上下旗鼓列西東
呼吸通群帝
遨遊揖八公

神京何處所稽首此呼嵩

登萬歲寺塔

寶塔凌虛起憑闌望渺然玉毫三界現金鐸半
空懸梯出雲霞外窓開星斗邊高旛飄落日清
磬出孤烟浦樹青圍野江湖白接天鶯花迷綺
陌楊柳暗荒阡島嶼迴眸盡甌閩指顧全翻身
旋七級彷若度迷川

送竈神十二韻

歲歲稱司命行當欲莫年夜分鈴逐影臘盡疏

朝天路指炎方外原過鑄鼎邊輝煌隨部齒煎
焰送鞍韉突曲薪堪徙家貧柱可燃魚常生釜
裏蛙豈產階前秋至愁鑽燧春殘怯禁煙六軍
歡有計寒士怨無黔淪茗逢盧子燒丹遇葛仙
世情真冷煖愁思日熬煎却笑人空媚翻嫌與
乏權明年春色早舉火待回旋

冬至夜同曹能始芝山寺步月

小至陽初動雙林月正盈餘輝疑雪照圓魄藉
霜清半倒珠旛影全寒寶磬聲暈添金界麗光

春山集 卷之二 二
奪石燈明龍象當娥闕蟾蜍落化城灰隨葭管
起果逐桂輪成蓮漏催頻促銀河望未傾閉關
嚴萬戶誰似此閒行

劉會卿太醫招飲同謝友可進士徐茂吳
司理張幼于太學王熙伯錢功父董教
之山人張孟孺謝荆山將軍黃道元文
學觀妓賦得燭下隱美人共用前字

通宵良燕會羅綺闌嬋娟鳳蠟新妝外蛾眉彩
焰邊迴光投寶佩顧影蹴金蓮淚落依紅靨花

開傍翠鈿靡靡香靄近閃閃鬢雲偏月暗姿尤
嬌風徐步不前滿堂縷畫絕誰是最相憐

陪屠田叔四月晦日西湖觀競渡得飄字

蒲湖龍舸闌綺縠蔽雲霄巨甲騰空至蒼影再駕
浪騎波澄明彩翠風細咽笙簫觸槳荷錢散迎
旗行帶飄蛟宮烟外見雉堞鏡中推綠水分羅
袂丹霞雜錦標玉杯鸚鵡酌艷曲鳳凰調鼓震
千聲滌魂沉九辯招首蒲花欲吐萸莢葉全凋
遊妓紛長陌行人簇短橋使君恣驩賞不憚馬

臨遙

席上贈歌妓吳英

風流呈麗質，艷舞騁妖嬈。態弱羞條脫，身輕動
步搖。黛從眉上結，黃向額間消。膩重風釵滑，香
來鳳帶飄。妝濃顏更暈，聲軟舌逾嬌。象板隨歌
按，銀箏促酒調。天寒翻翠袖，風細怯紅綃。意屬
言猶澁，情留目易挑。巫神憐宋玉，仙史遇文蕭。
路近藍橋夜，城迷下蔡朝。鴈停金縷罷，魂斷可

憐宵

屠田叔元夕納新姬張氏催妝一首

妖嬈年十五生長越溪濱
傾國求名士專房屬
使君姓同張靜婉人是薛靈芸
額上新黃試睂
端鬱翠分鬢絲梳髮黷汗粉膩芳芬
桃葉迎初
至靡蕪采乍薰七香行處輦六幅
嫁時裙茜蒼
思相並鴛鴦待作群婢將
匳具啟奴勸舞衣熏
玉液浮尊合瑤笙促調紛金爐
龍腦爇火樹鳳
膏焚鏡貼梅妝巧脂添杏臉
醺佩寬璫有韻鉛
印枕生紋四德嬪而婉三星喜
載欣月櫺迴綽

約手帳動氤氳舞燕織腰轉嬌鶯細語聞臂紗
鬆繫結頭錦卸纏文意會歡娛易情通應對勤
真堪逢宋玉寧比配參軍琴瑟和偏好余禍樂
未云高唐今此去不但夢爲雲

賦得殘月如新月

看時俱一片認處在殘更破鏡光齊缺孤弦彩
共輕輪虧非未滿明淺豈哉生只合烏啼落那
堪鵲過驚閨人休誤拜行客好晨征莫訝輝頻
減曾經暈已盈試將眉學畫同是一痕成

賦得團扇承落花

製作原齊國徘徊學漢宮
團團裁自白片片貯
來紅香膩羅中色英添錦上叢
火星初犯月絳
雪乍流風一任螢光去休教雉尾空
忽輕搖動
處雙蝶過墻東

賦得明月照積雪十一韻

瑤華方委地皓魄正當天
入夜城俱白初晴砌
共妍片深迴不動弦滿映能鮮
流彩侵瓊潔堆
花射壁圓玉英輪外疊
珠樹鏡中聯
暈散窺增

耀光斜鑿獨偏凝輝依粉素鬪影藉嬋娟皎皎
兔園外皚皚蟾窟邊色分消未得氣結集逾堅
桂殿娛佳夕梅林慶瑞年誰將希逸賦來和惠
連篇

賦得深閨秋織十二韻

深閨秋色早中婦倚流黃寒杼傳聲切殘絲結
縷長壁間聞促織機上見鴛鴦斷綆金刀疾拋
梭玉釧忙芙蓉叢出朶蓮子簇依房緯密經雙
引文迴字幾行捲縑纏別緒移軸轉離腸窓外

烏啼夜簾前雁帶霜愁魂縈綺縠清淚滴縹緗
星斗斜將盡支機動未央張彊乘月影完匹續
燈光竇女思千里天仙妬七襄莫辭閨力苦邊
塞待衣裳

和陳幼孺情詩用會真韻

鐵馬響房櫳銀蟾出太空星光初掩映雲影漸
朦朧庭種連枝樹階飄一葉桐羅衾生暮雨繡
幙納微風理枕呼中婢吹燈怯小童穢塵紛蕩
颺縠霧散溟濛珥飾珠交綴羅襦玉半籠未填

銀漢鵲先駕綵橋虹蟬髮欣隨俗蛾眉妬入宮
有情迷下蔡無意貯隣東啼笑柔腸損嬌嗔密
約通丹唇團扇掩皓腕綉締蒙展鏡舒金匣囊
香刺錦叢柳榷雲母帳花亞雪衣籠畫豈水龍涎
燼宵深鳳蠟融輕紗纏臂緊寬釧約肌豐齒齒
池中色楊枝掌上翫鴉黃勻淺淡螺黛點青葱
離恨天難盡相思路不窮實知盟在始敢負信
無終酒後伸愁態花前說素衷血隨雙淚竭結
學兩心同翼比投林鳥絲牽織網蟲魂銷烟漠

漢夢醒日瞳瞳柳毅書傳海田瓊路入豳綠綫
衣裏綠鉛印枕痕紅吟切頭堪白膏添首不蓬
舞真疑轉燕翩果若驚鴻歲月何由駐雲霄未
易冲溫柔元足戀老却此鄉中

與武夷道士談玄

大道誰能悟先天一炁中乘龍看姹女跨虎問
金公土釜藏非密河車轉不窮藥材元有產火
候豈無功綿欲連環白花須一粒紅龜蛇尋此
牡烏兔辨雌雄寶鼎朝朝熟泥丸日日通坎逢

離伏火乾遇巽生風神水溫丹室真陽落絳宮
誰知太乙子卽是主人翁白雪流何滯玄關竅
本同全身如欲露除却碎虛空

送姪之越中謁丁司理張明府

失父年方少依人術更難含啼辭故土揮汗度
層巒不顧新婚別應尋舊誼歡袖惟懷短刺頭
未厠儒冠當戶憑痴叔周貧仗宰官囊中資谷
薄身上葛衣單潮怒遲開棹途危早歇鞍秦樓
休浪入馮鈇莫輕彈古蹟應詳問名山只暫看

心交投藝苑父執謁詞壇北海須求李荆州願
識韓逢人宜退讓念母寄平安去記荷初發歸
思菊未殘瀕行勤囑付沿路好加餐

鼓山尋茶園因憩田家山樓

嶺半斜通路山家歷幾灣誰知巖穴裏宛若武
陵間地僻村難辨林深戶不關小樓攢竹翠幽
石繡苔斑卜歲全看曆謀生盡採山扶犁籽麥
熟負管焙茶閒田嫗多稚髻村氓自古顏門前
江渺渺屋後澗潺潺寒瑾芽茨厚編籬槿木環

小龍驚客吠乳犢逐人還朴野瓦堪愛直淳似
可攀征徃吾欲避惟此離區寰

麥斜巖同能始茂之游

九鯉斜通徑幽巖切絳霄苔青蒙石齒雲白鎖
峰腰積石穿成洞枯楂仆作橋樹環金刹隱泉
溜玉聲遙竹密時聞鳥林深忽遇樵危亭當谷
口飛閣俯山椒開土曾畱錫高賢昔棄瓢梵鐘
聽獨夜御筆想前朝頗愛游蹤少能令俗慮消
徘徊不忍去樸被宿僧寮

海澄書懷寄能始茂之二十韻

海邑望茫茫三隅築女墻舊曾名月港今已隸
清漳東接諸倭國南連百粵疆秋深全不雨冬
盡絕無霜貨物通行旅貲財聚富商雕鏤犀角
巧磨洗象牙光棕賣夷邦竹檀燒異域香燕窩
如雪白蜂蠟勝花黃處處園栽橘家家蔗煮糖
利源歸巨室稅務屬權璫僻壤民情朴遐荒令
項強士惟知帖括客鮮識詞章里語題聯柳鄉
音度曲長衣冠輕禮讓巫蠱重祈禳田婦登機

急漁翁撒網忙，溺人洪水漲。摧屋颶風狂，永日愁難遣。清宵病莫當，羈懷寫不盡。期爾早還鄉。

送夏給諫冊使琉球

銜命趨王事，暫辭供奉班。孤帆浮巨浸，萬里到中山。漢詔殊方下，皇恩異域頒。鯤溟寰宇外，鰲極海門灣。北斗低堪摘，東暘近可攀。洪波搖雪色，遠嶼抹烟鬟。威震華夷表，名齊李郭間。官儀宣上國，文教格南蠻。服賜蒼麟去，航通白雉還。歸朝仍晉秩，咫尺近天顏。

山窓讀易戲摘經語爲詩示陸兒兼呈王

求啓林夷侯

玩占求象豕觀變洞陰陽君子宜修省賢人貴
自強乘剛傷赤紱中順得黃裳晝日幡遮沫終
朝屢屢霜行師征邑國告命復城隍輿衛須開
馬藩籬忌觸羊盈虛留碩果休否繫苞桑箕子
存宗廟高宗伐鬼方屯而貞女子遯不事侯王
耕獲思母緩菑畲戒勿荒佃漁將罟作見豕取

幽谷金蘭茁中林草木香西郊生芻陸東

野老枯楊桎梏明刑脫衣柳利涉防帶嫌三禡
失龜愛十朋長隱似龍蛇蟄安如鳥隼翔聖人
工作易六位自成章

新都咏懷三十韻

江左雄畿輔新安古大鄣東西雙水滙郡邑兩
城長川陸通吳會關河接楚疆文章開晉宋風
物盛梁唐天子都名勝軒轅后道場玄宮祠岳
帝古廟賽汪王藺伯豐碑折梅銷故壘荒登朝
前相國駐蹕我高皇宦蹟傳任里儒宗毓紫陽

峰形高似戟，泉脉沸如湯。練水千尋白，屏山百
疊蒼。起墳爭購地，築舍峻圍牆。鐘磬連僧寺，笙
歌遍酒坊。鴟頭魏第宅，虹影亘橋梁。曠野都耕
麥，閒園不藝桑。雨肥蔬甲綠，霧染柏林黃。竹筏
撐灘急，松車碓水忙。羊腸山路險，龍尾硯材良。
林歷危巒拔，松蘿細茗香。器雕朱漆巧，墨製紫
烟光。驟負他邦貨，船裝異地糧。歲時崇宴會，朔
望重新禳。賈稅豪諸里，民音變各鄉。起家資什
一，致富業經商。獨客秋看月，孤身夜卧霜。厭聞

卷之八
五八
蟲自咽愁見雁成行黯黯桃燈炬蕭蕭撫劍裝
家林閩嶺外親舍海雲傍風土遙堪說音書遲
寄將自憐漂泊跡歲晏滯殊方

四月八日同子馬能始過金陵慈光寺看

浴佛

入寺勤瞻禮如來降誕辰金沙元有界寶地自
無塵貝葉聞僧呪蓮華見佛身慧燈三世照淨
水五香新覺海開華藏諸天轉法輪皈心投樂
國莫不是前因

放鵲詩

曹能始署園偶墜彈鵲稚子拾而豢之值月
潭上人至解其樊籠放之飛去示慈向也能
始微諸子賦詩余得五微

墮落悲寒鵲高僧一放飛離將殘繳去認得故
巢歸雙翼隨星繞孤音入漢微頻伽還可匹支
鶴合相依聽法心猶在填河願不違有生因解
縛悟此卽禪機

送謝在杭賚捧微號表文入京

堯母坤儀盛華胥懿德良殊恩褒太妣宸眷寵
儲皇玉闕徽音下金陵祖席張山川行渺渺京
洛望煌煌珮響彤墀月衣霑御帳香仁風敷化
洽湛露味歌長盛典闕元氣熙朝值太康嵩呼
聞此日聖壽並無疆

城南臨泛同汪仲嘉臧晉叔梅子馬吳臯

倩謝在杭曹能始共用南字

臨泛出城南微茫野氣涵林陰迷古堞塔影挂
晴嵐日落山橫紫風徐水皺藍聽宜繫
曉曉泊

愛柳穆穆遇勝推蓬望逢奇上岍探美遊情已
愜况喜盍朋簪

後湖塔影和胡彭舉

昔聞湧平地今見倒澄湖水淨看如回波搖望
欲無一痕流不斷七級漾彌孤多寶參差現千
花次第鋪雁飛標獨異佛卧態偏殊蜃吐毫光
玉龍驚舍利珠山川相映處應見兩浮圖

和陳太史閣試春鳥隔花聲六韻

春花明上苑春鳥語離宮未日能千轉誰知第

幾叢間關依錦幃來去度香風翼隱紅英裏喉
嬌翠葉中乍疑鈴索亂却訝管絃同喚醒長門
夢餘音聽不窮

送劉京兆公請告暫還光山覲省

累疏天朝奏清時固乞閒深懷烏鳥意暫別鷺
鷗班卧閣花從落征途柳剝攀雲邊弦子園天
際木陵關萊服新裁去潘輿獨御還皇情念蒼
赤計日起東山

咏虹同能始茂之限賦

雨止雲光淨，晴天見蝶螭。一條非貫日，五色獨
橫空。散彩長垂下，拖痕更在東。成橋通遠近，飲
釜辨雌雄。華渚流偏駛，秦廷望不窮。試看腰下
劍，寶氣接蒼穹。

夏日同惟秦喬卿景倩伯孺元化孟麟集
在杭鏡瀾閣各賦卦名詩

勝日需行樂，同人訪華門。未能成隱遯，聊復賁
丘樊。碧柳隨廊轉，青桐覆井繁。窓陰蒙桂影，履
跡印苔痕。喚友鶯聲困，離群蝶翅翻。異花臨曲

檻灌木萃芳園蘿藦危墻損茶烹瓦鼎溫草豔
迷短砌雀小畜前軒新水長河渙殘鐘古觀喧
別巢睽鶴侶解稔益龍孫隔岸升雲葉比鄰透
石根荷開香小坎蕉大過高垣侯白譚無妄師
丹道自尊阮咸應任達郭泰每玄言巽懦羞彈
劍屯擅笑鼓盆愁來驚節序醉裏識乾坤豫識
年將老恒憂日易昏賓筵殺核旅允酒飲平原
端陽日同諸子西湖觀競渡次在杭韻

郭外湖光繞薰風醉綠荷采蘭當令節扣竹起

清歌彩鷁浮空戰神龍躍浪過爭先旗拂水妖
冶機凌波金鼓花邊亂樓臺柳畔多一鉤山月
挂十里野烟和寶靺歸驥裊瑤尊罄叵羅不須
云吊屈勝會樂如何

五月晦日芝山寺避暑本宗上人以瓜荔

作供同賦十韻

寶刹芝山勝雲堂避鬱蒸探幽期野客結夏約
名僧荔斷全林買瓜尋故事微綠沈開古色丹
實剝清氷甘比醍醐灌寒如沉澹凝瓢分消絳

雪殼解裂紅繒七寶蓮還讓三生果莫矜梅檀
香豈匹酥酪味難勝斐几閒堪隱繩牀倦可憑
清涼兀足戀同對佛前燈

十三日鄭孟麟招集玉皇閣荔會分得數

名詩

一從尋勝會幾度到玄都二水分襟帶群峰列
畫圖三山依古堞兩寺插浮屠四面雲光繞諸
天海色扶五松常駐鶴獨樹亂啼烏六月炎威
燭千巖秀色糊七賢林竹茂千顆荔香腴八柱

龍盤影雙飛燕引雛九仙登玉座孤月朗水壺
十萬人家裏笙歌幾處無

六月十四夜芝山禪室對月同惟秦在杭

得青字

戴月扣禪扃林僧始罷經龕燈榷焰碧爐篆結
烟青圓魄輝沙界孤輪徹廣庭痕周肥狡兔光
蒲澹飛螢桂榭麝剛斧楊枝影淨瓶寶幢高拂
露清磬冷催星夜靜烏驚夢天空鶴墜翎冥心
趺坐久金粟自聞馨

暮春朔日同叔度元化景倩觀烏石古刻
洪武中林子羽中秋玩月題名作隸體

因尋原作各次一首

其覓前朝刻年深欲辨難昔賢曾此詠今日始
知看寺近神光接臺高眼界寬掃苔尋竹帚席
地借蒲團險陟眠蘿磴冥搜踰石欄霑衣殘靄
濕吹面緒風寒鐵壁蹲如虎銀鈎舞若鸞本貪
慕綠字豈厭鑿青巒靈蹟應悠久芳名未滅漫
後來二百載追和愧詞壇

三月三日同惟秦元化叔度景倩過仁王
寺橫山樓故址得崇寧石刻于香積厨
仍憩寺中汲泉烹茗分得題字

板除逢令節連袂過禪棲寺訪唐朝蹟厓摩宋
代題烟深名半黥雨溜字多迷石壁新開路山
樓久絕梯春泉清淪茗午飯熟蒸藜坐到斜陽
盡空林鳥亂啼

小桃源十二韻

路入桃源境門開石竇斜蜿蜒四五里雞犬兩

三家碧階堂前石紅漂澗裏花亂厓蒙草樹遍
野熟桑麻護柵全編槿爲園半蒔茶葡萄青絡
蔓枸杞綠抽芽稚子携魚筍山翁補兔且楮成
蒸爛竹橋斷仆枯楂織事輸桐布縲聲響水車
春秋營燕壘早晚放蜂衙太古民風在秦人世
代遐願言分一壑白首老烟霞

新秋胡仲修汪孟樸吳非熊吳德符仲飛
招遊西湖同王玉生王永啓陳伯全分

得涼字

湖面動新涼。蘭舟水一方。青旗分柳色，紅袖奪
荷香。嶺卓浮屠峻，堤迴畧徇長。鳥聲當暮靄，僧
影在斜陽。編歷多靈境，同遊半故鄉。連朝花底
醉，不負客錢唐。

同楊實夫黃元樞孫不伐徐汝長方孟旋

集徐震伯駐春園分得花字

郭裏名園勝清朝。柱史家深林迴洞壑。曲徑納
烟霞。雨溢池光淨。雲移塔影斜。桐飛秋後葉。桂
落月中花。錦石苔全蘚。雕闌樹半遮。避喧門不

啟邀客酒頻賒匣劍懸三尺圖書畜五車同心
欣宴賞渾忘客天涯

贈隣友吳元化十韻

草舍相隣並幽居隔短垣山光齊到屋樹蔭兩
遮園碧露篝燈影香聞壓酒尊花分粘戶片苔
長過籬痕碩鼠均偷果驕厖互守門藝蔬先得
種蒔竹易移根蛛網牽簷近雞群闔柵繁不窺
家室好時聽笑聲喧賽社輪僮僕搏沙狎子孫
杜華與王翰朝夕往來煩

送陳伯孺之開化

衢陽君獨往此地我曾經野水泂村綠高峰夾
縣青馬疲巖嶮路人歇短長亭製紙藤蒸料開
坑硯斲銘雁形標塔峻龍口噴泉腥山聳蟠桃
秀園栽蠹橘馨去分千里月別是一周星莫說
程伊阻母愁信杳冥鶯聲千萬囀客重裏若爲聽
同叔虞集高景倩齋中看蜀茶得箋字

託根元益部移種到閩天笑麝呈朱暈輕姿媚
絳烟色欺桐鳳彩血並杜鵑鮮賞合巴童曲雅

宜蜀國絃麗分蘇蕙錦光奪薛濤箋不借相如
賦芳名誰與傳

懸漢巖

陳履吉初闢

古洞高懸漢丹梯不計層壅流疏積石截路斬
垂藤蔽日青崖削翻空翠瀑崩野狐寒吸月山
魅夜吹燈欄戶橋陰入巖扉閣裏昇樹聲秋更
憑嵐氣晝常蒸乍闢稀遊客新成未住僧因思
開荆者魂魄每來登

重遊聖泉二十韻

出郭紅塵少東山地自偏
柢林留古蹟習坎湯
神泉兩塔高凌漢雙幢
遠拂烟竹深稀見日松
密不分天經閣頽成路
香臺壘作田崇基荒莽
翳憊石亂藤纏鍊鑄真
如相花飄講法筵菴亡
虞寄額碑斷李邕鐫閩
主曾皈佛藍超此遇仙
鄰僧飛錫至別寺寄鐘
懸苔碧禽猶戲莎青鹿
尚眠峰峩獅子吼水淨
蟄龍淵芝菌巖前秀榴
花洞口然廢當嘉靖歲
興是景龍年蠟屐秋雲
外扶筇夕靄邊叩門驚
吠犬倚樹聽殘蟬已覺

喧囂隔空嗟世網牽共跌坡際草同結社中蓮
載酒凌晨出聯鑣薄暮旋昔時金地在誰布給
孤錢

元日憩絳月蘭若次在杭韻

寶刹廢山南奇踪尚可探石多名篆刻房占古
精藍雙樹春猶淺諸峰雨半含竹深聲轉籟花
密氣蒸嵐絳月猿啼壁眠雲犬護菴一尊浮翠
栢三寸剖黃棋樂土元堪憩禪機不用參階賞
開一葉彷彿現優曇

東臺廟觀宋碑

路繞鳳皇亭山危少客經東臺度廟祀南宋錫
碑銘雨久香烟濕年深土偶靈梅含新臘白松
偃累朝青廢礎苔花合殘簷黍稷馨莫詢興廢
亭斜日下雲屏

憩三寶寺葦航上人房

竺山環九疊此地極幽深開士今停錫將軍昔
布金磴攀緣鳥道鐘扣動鯨音樹匝林光密門
高海氣侵月來描竹影雲過染松陰午飯分齋

供宵眠借楮衾譚深香屢續坐久茗頻斟一點
禪燈寂能諧清淨心

湧泉廢寺次何舅悌韻

到山披亂莽因過古名藍禾黍皆遺址茅茨僅
小菴燕泥巢佛頂鼠跡走禪龕敗瓦填空界殘
碑墜古潭寶銷灰未滅泉湧脉猶甘雨翳曇花
影塵侵貝葉函廢興猶解說消歇客能諧破衲
懸秋靄孤鐘扣夕嵐淒涼嫌寄宿寥落懶窮探
伐樹多樵叟捐金寡善男基傳閩主闢法憶國

師叅往事那堪吊新綠且莫譚倍深前代感空
入此門慙

初春集鄭子孟麟雪巢望前山微雪八韻

海國春方早同雲凍不收一枝巢可息半日客
堪留松老俱華髮峰高盡白頭乍占豐歲瑞漸
聽斷漸流卧想袁關戶遊思戴命舟寒生添巨
爵煖入借重裘西域看疑近南山詠未休推窓
光照夜如上庾公樓

喻宣仲至聖留宿山齋夜話

命駕來千里交情薄范張明知不是夢猶訝見
非常袖帶匡山瀑鬚沾越嶠霜語長頻剪燭坐
久復聯牀爐氣縈窓煖鐘聲逝竹涼悲歡懷往
事誰在與誰亡

早春同甬東楊南仲豫章喻宣仲金陵徐
昭質四明僧敬中夜集高景倩松雲館

共用僧字

占年春及早卜夜月微稜雨集開尊酒宵談剪
一燈江湖何處客烟水異鄉僧槐火寒初改松

雲凍尚凝茶香浮鼎熟蘿古東垣崩爐氣銷沈
水窰紋裂細冰星躔今夕動風雅此時與授簡
爭含筆盟壇愧後登

哭王永畏

達元如阮籍天竟似顏回運值龍蛇厄時當鵬
鳥災千金空藥石一病卽泉臺幽憤讐難報孤
吟念已灰棺衾憑自製圖籍付誰開有母揮雙
淚無兒奠一杯生虧鄉曲譽死切友朋哀閨閣
辜青髻園林閉綠苔寢門行哭後池館不重來

冬夜同諸子集曹能始夜光堂聞鶴

命酌當寒夕閒登池上樓乍看蟾影晦偏聽鶴
聲幽立警松間露行鳴水畔洲最宜孤燭夜轉
覺衆山秋縹嶺吹笙過青城帶箭遊遠驚鷗泛
泛近和鹿呦呦舞砌還聞野橫江更掠舟草堂
靈不負且勿問浮丘

花朝前一夕集朱孝穆綠天館雨後見月
分得開字

暮靄收庭際清光隱樹隈濯枝聲已歇照葉影

初來鉛水磨鸞鏡金波浴蚌胎高懸孤柳出先
映百花開桂魄臨珠斗蔗陰動玉杯中宵能作
賦誰是謝莊才

中秋夜曹能始石倉池泛月因登聽泉閣

分得藍字

池上秋光半扁舟蕩夕嵐月爲雲點綴天與水
渾涵曲榭槿金碧孤峰倒蔚藍松濤鳴謖謖桂
子落穆穆獻葉魚還比依枝鳥欲南扣舷方理
咏登閣復深談匹練泉千疊琉璃火一龕茶香

浮石鼎花氣傍經函僧到初開社朋來正盃簪
觴行寧用筭弄韻險不嫌探清課情何適閒緣事
總堪爭誇賢倍七不羨影成三上漢槎疑泛臨
流筆屢含殷勤看達曙寧厭盡餘酣

茅孝若至閩諸同社邀集平遠臺賦別予
方楚游未及預會追和八韻

傑構欣新就崇基陟舊蹤仙成騎赤鯉客到躋
茅龍古篆埋於蘚斜陽掛在松臺平堪躡屐寺
近易聞鐘大地三千界晴嵐四五峰紅妝司酒

政青簡競詞鋒雲石關離恨林風醒醉容因慚
遠遊者良會負相從

仲秋五日安善卿主社再集平遠臺分得

八庚

片石孤峰起當空類削成涼飈推翠楚晴日麗
朱甍樓觀觚稜峻山河錦繡明藥爐猶漢氣松
塢有秦聲乍覩新蟾落初聞候雁鳴登攀尋舊
蹟文雅續前盟願以重游愜情因屢到生時平
堪賦咏江海正休兵

秋日米彥伯見過山齋次韻奉答

大火忽西流新涼透一樓主人方卜夜楚客易
悲秋拂塵譚標晉編韋易論周玄槐楊子述書
舫米顛遊倚石蘿雲度開簾竹靄浮祗綠聲氣
合隨在自相求

鰲峰集卷之十二終

鰲峰集卷之十三

閩郡徐燭興公著

七言律詩

庚寅元日嶺南曾人倩集小齋分韻

東風披拂到林立辨得椒觴客暫留已信韶華
如轉轂誰知人世只虛舟青山我欲龐公隱長
路君爲陸賈遊真向尊前思故國梅花香處卽
羅浮

江行卽事

渺渺人家隱翠微，棹頭凝望暮烟飛。
亂雲起處千峰出，雜樹陰中一鳥歸。
古驛月明吹戍角，晴沙風暖晒漁衣。
客行剩有還鄉夢，夜夜猶能到釣磯。

送耿學憲參藩大梁

幾年閩海重衡文，詔許參藩洛水濱。
上國聲名推董賈，中原詞賦識機雲。
花從少室峰頭落，水向扶溝路口分。
玉業廢興應莫問，下車先拜信陵君。

送陳仲徽之齊省兄

慷慨辭家赴遠征，劍光遙傍馬頭明。
齊河風起沙尤急，濟水春寒草未生。
一飯王孫懷漂母，千秋義士吊田橫。
他鄉莫謂無知己，白日看雲有弟兄。

堤上春風柳色柔，送君萬里赴齊州。
難兄講易三鱸墜，遠客長征獨馬愁。
雲岫千重登泰岳，烟花三月過陶丘。
此行應念家林好，莫待馮生有蒯緱。

生子

庚年卯月日當辰蓬矢懸門喜氣新
司馬生身呼犬子誌公庠頂喚麒麟
九宗敢說階前玉賀客還誇掌上珍
遺汝莫嫌無長物一經猶在未
爲貧

送人之咸陽

白鴈聲哀暮杵寒江頭送客向長安
風生渭水帆飛疾雪滿驪山馬去難
長信宮中芳草合昆明池上劫灰殘
漢朝事業成陳跡淚洒銅仙泣

露盤

方廣巖

古木陰森碧礫連幽巖深隱萬峰前珠簾百仞
虛中掛石筍千層洞裏懸寶磬敲殘空界月草
鞋行斷隔林烟楞伽讀罷心如水借得蒲團一
夜眠

行盡清溪出遠村欲尋幽寺認風旛靈羊避客
藏深谷馴虎聽經過石門碧草故從巖下長白
雲常在洞前翻松間獨坐無言說啼鳥聲聲日

漸昏

舟夜

漂泊扁舟宿水涯
夜深涼露澹蕪段
雲生遠岸將沉屋
潮上空江欲漲沙
一片愁心驚白鴈
三秋歸思夢黃花
旅懷正爾傷寥落
恁聽更樓咽暮笳

錢塘夜泊

一葉扁舟逐逝波
碧山千點野烟和
霜深驛路青楓少
秋老關河白鴈多
遠寺疎鐘醒客夢
殘

更涼雨灑漁簑風塵在苒家山隔愁絕那堪聽
棹歌

庚寅除夕

燈燭輝煌值頌椒笙歌如沸永今宵白頭堂上
添年健黃口筵前學語嬌斟得屠蘇歡後飲看
來松燎喜高燒弟兄守歲嬉茲夕坐聽銅壺滴
麗譙

辛卯元日同謝在杭飲九仙觀訪趙道士
不隨鄉俗拜新年獨上高臺謁九仙已挾毛公

爭舉白還尋羽客細談玄塔棠乍綠圓如壁園
柳初黃軟似綿勝日何妨拚潦倒人生能幾艷
陽天

送王生入蜀

辭親去去赴成都萬里孤身一劍俱神女廟前
雲黯淡錦官城外樹饌餽掛帆遠度三巴水吊
古應看八陣圖若到臨邛稱貴客誰家少女正
當爐

匆匆說別黯消魂此去間關度蜀門萬里危橋

三峽水七盤高嶺一聲猿錦江夜靜波光麗劍
閣秋陰日色昏倘過武侯祠廟裏爲予釀酒薦
蘭蓀

送僧還山

忽聞飛錫欲還山塵世翻憐賦別難積雪斷橋
人跡少斜陽古木鳥聲殘空廊夜靜孤鐘歇疊
嶂雲深一桷寒此去萍蹤無住着相思長望路
漫漫

送人罷官歸四明

獨憐春盡百花飛何事同心又遠違官舍已空
生蔓草故園歸去掩荆扉蕭蕭暮雨愁征騎漢
漠寒雲滿客衣握手臨岐且沉醉莫愁江上易
斜暉

寄陳子卿

東風吹柳綠依依何事天涯客未歸
迢遞燕山征騎遠蒼萍淮水片帆微
關河月落猿聲斷驛路春深草色稀
十載獻書猶不遇思君空有夢魂飛

辛卯除夕是年有先大人之喪

日月悠悠感易徂
熒熒燈燭影堂孤
藜藜我已廢
哀霜露杳杳空陳罷
歲除召負郭
腴田無舊業
滿
牀手澤有遺書
少孤獨抱終天恨
身上麻衣雪
不如

壬辰元日

音容漸遠路冥冥
猶憶聞詩日
過庭繼志從來
知不肖爲兒
真自愧寧馨
寒梅滿樹香逾白
生
菜堆盤色更青
猶幸門前存五柳
東風吹發未

凋零

題陳子卿墨潭精舍

聞說移家入遠村，桑麻雞犬似桃源。
數椽精舍花千樹，百尺空潭月一痕。
僧踏斷雲過竹徑，鳥翻殘葉點柴門。
有時金馬招賢出，不作人間老灌園。

賦得楚江秋送丁司理官邵陵

星槎遙指楚江遊，得意寧爲宋玉愁。
岳麓山光臨水澹，神庭湖影接天流。
白蘋花落芳洲外，紅

藜香深古渡頭七澤三湘無限景霜威行處纔
成秋

鄧汝高轉餉遼東便道還家見訪答贈

馳驅關塞朔風寒不向衡門再考槃
花看長安過柳陌粟輸遼海度桑乾
心懸霄漢勤王事夢戀烟霞問所驪
別後松枝今漸長入林恐礙進賢冠

登鳳春臺

丹梯百轉出林端躡屐攀登興未闌
泉過北橋

喧別圃山從西塔塔人危欄烟迷竹色千村暝風
送松濤一寺寒遠客臺前高縱日夕陽遙帶莫
鐘殘

夏日西塔寺避暑

夏日探幽到碧岑奇峰面面俯珠林隔溪雲掩
漁舟影上界風傳梵響音縹緲經臺花幾樹岩
堯經路翠千尋松濤護護堪銷暑相對何妨藉
草深

樵川曉發

西傾銀漢月光斜。此去關山路轉賒。孤客幾時
能稅駕。愁心無日不思家。馬行衰草露秋露。鴈
起平林帶曉霞。蒲日西風吹漸冷。豈堪流落向
天涯。

度分水關

嶺外猿啼不可聞。蕭蕭征馬逐斜曛。關河魂夢
幾今。遠聞楚楚封疆到此分。懷刺敢云同處士。棄
繻那得學終軍。迴看親舍如何處。望斷遙空一
片雲。

平蕪漠漠欲黃昏回首鄉關黯斷魂
匹馬經時驅遠道蒯緜今去向何門
鴉啼古木牽愁思猿嘯荒山益淚痕
落魄風塵人不識空令憔悴怨王孫

宿蘭溪寄懷少文子真

浦溪蘭芷亂芬芳回首閩川道路長
寄遠愧無青玉案懷人空對鬱金香
寒雞四野啼秋月南鴈孤飛叫夜霜
莫謂少年能作客風塵容易老

潘郎

客堂秋夕

客堂風雨響瀟瀟
悵悵家山萬里遙
窓下哀吟同絡緯
天涯棲息類鴛鴦
愁多不借吳歛解
魂斷難將楚些招
一點孤燈寒漏促
淚流應似浙江潮

過三茅觀訪許靈長秀才讀書舍

爲尋道院覓高蹤
踏遍吳山第一峰
亦徑乍飛雲
幾片柴門長掩翠
千重六時清夢驚
仙樂半夜書聲雜
梵鐘許掾由來多勝具
何須出入跨

芳不龍

謁顧道行學憲

風流文采冠中原
早擢朝簪遜世喧
山水已同摩詰畫
家林元是辟疆園
明君何日能前席
詞客頻年盡及門
一自度關看紫氣
懸知草就五千言

題張幼于曲水草堂

時名早謝戀丘樊
三徑從無馬足喧
竹影客同張廡宅
桃花深比武陵源
山雲杳靄晴窺榭
池

水漣漪曲抱門傾蓋逢君欣下榻主人高誼似
陳蕃

訪王百谷先生

籍籍高名四海聞門前詞客集如雲投交自慶
經平子執御何緣得李君百代文章爭共寶千
人筆硯盡思焚不知醉墨淋漓日書破羊欣幾
幅裙

客中感懷柬王百谷

掩淚哀歌陟岵詩歲時霜露倍傷悲魚書遙在

愁中寄雞骨還從客裏支飲恨不能通地下終
喪那忍久天涯先人循吏如堪傳莫靳千秋幼
婦碑

訪黃仲華曲林草堂賦贈

曲曲重林曲曲泉幽棲應了世間緣滿塔落葉
兒僮掃萬卷殘篇父祖傳室爲長貧懸似磬筆
因竒進夢如椽那堪邂逅仍相別閩海吳山路
幾千

別沈從先兼訂武夷九鯉之遊

曉門相遇正相憐。倏爾分携，別恨牽人，隔吳寧。
花草外、夢迴香徑。蕙蘭邊、紫驢曉月。唧青草白。
鴈秋風繫錦箋。他日遲君，何處所經。湖深處、慢
亭前。

途中感秋

狼客天。酒憶故林。吳山越水，氣蕭森。楓明古岸，
秋將暮。角起荒城。日易陰。斜月轉添烏鳥淚。西
風偏動鴈鴻心。天寒衣薄，憑誰問愁聽。隣家夜
搗礪。

重過鈇山旅舍讀先大人壁間留題追

憶少待宦遊忽經一十五載掩淚捉筆

恭次一章

憶從嚴父楚江遊屈指俄驚十五秋烏鳥深恩

何日報臯魚遺恨幾時休青山如故人非舊粉

壁將頽墨尚留一字讀來添一淚斷腸華屋與

山丘

送慶良上人還靜海寺

說別空門落日微綠楊影拂水田衣拈花暫作

龍山會折葦仍尋燕子磯
世界三千諸佛在招提
四百一僧歸淨雲蹤跡
知何處愁見凌空錫杖飛

冶城懷古

溟濛滄海冶城連却憶無諸建國年
十萬人家烟漠漠三山宮闕草芊芊
蓮花高嶺秋蕪外金粟荒臺夕照邊
千載龍飛遺廟在寒鴉空噪暮雲天

北郊荒坂暮雲平閒運年中此戰爭
甲第朱門

長樂郡管絃燈火晉安城夕陽仙觀孤鐘杳夜
雨歐池古劍鳴極目河山生感慨釣龍臺上月
空明

壬辰除夕是年有先孺人之喪

浮生擾擾總非真虛度韶光暗愴神歲序只隨
孤燭盡生涯休問白雲貧萬家鼙鼓腸堪斷雙
袖龍鐘淚更新壯志漸消年漸長明朝二十四
回春

癸巳元日

東風嫋嫋報青陽
讀禮何人過草堂
一丈紅塵醒曉夢
六街清吹斷愁腸
厭聞栢葉家家醉
忍見梅花樹樹香
獨對靈帷添哽咽
三年衣上淚痕蒼

迎春日

滿城簫鼓鬪春陽
歌吹聲中樂未央
紫燕驕嘶隨絳節
朱輪高擁夾紅粧
椒花栢葉傳杯客
油壁香車傳粉郎
自笑勞生真似夢
不妨沉醉答年光

送趙仁父令梁山

四牡驕嘶逐曉風。王程何日到盤叢。
錦官驛路殘雲外。白帝城墻落照中。
百里絃歌誇茂宰。千年風化說文翁。
釜中自有游鱗在。莫問魚來丙穴東。

輓黃道行先生

前輩風流不可尋。中天遙望少微沉。
空山夜雨魂何在。宰樹秋風日易陰。
敗篋蠹痕穿斷簡。閒房虫網障孤琴。
圖形五嶽當年祝。今日披來淚

滿襟

送鄭承武之東魯訪于太史

尊酒離亭送遠行
蕭蕭征馬不停聲
春風夜月梁山道
芳草寒雲曲阜城
元禮及門容後進
公孫開閣引書生
莫愁萬里長爲客
到處逢人識姓名

新柳

休論漢苑與隋宮
無力難禁繫玉騮
色借酒旗烟散後
影影殘羞笛月明
中低垂客舍人初別
乍

隔章臺路不通真謂集眉今尚淺疑頭容易起
西風

送王懋宣先生之泰順訪林令君

蕭蕭匹馬向天涯
奔走風塵兩鬢華
南浦亭前愁折柳
河陽縣裏看栽花
危峰綠繞秦川樹
遠海紅生越嶠霞
莫道子雲玄尚白
曾將奇字教侯芭

宿鄧汝高竹林山庄

精廬遙結翠微間
借得雲窗一夕閒
流水斷橋

遙古路斜陽殘
聲下空山犬聲似豹
聞茅舍螢火隨人入
竹關桑柘滿林堪寄
隱與君吟卧却忘還

寄曾人倩申書

年來珥筆待明光
辭却鷗盟列鷺行
人是五羊詞賦客
官爲金馬秘書郎
春晴長樂雲霞爛
花滿蓬萊雨露香
詩草自從綸綰貴
遙知字字挾風霜

衰柳

漢南春事已蕭條嫩葉柔枝總寂寥西子感殘
斜上黛趙姬瘦盡掌中腰章臺影薄烟難鎖陳
苑花殘雪亂飄送客此時無可贈分携愁過灞
陵橋

擬過賈誼宅

單濕長沙不可居孤臣遺宅總丘墟蕭蕭楚竹
悲無主泐泐湘潭恨有餘三載但圖安漢策一
篇曾說過秦書洛陽年少名猶在回首當年帝
業虛

門巷蕭然楚水隅
一天斜日照塵無
承塵歲久棲無鵬
故宅人非叫有烏
夢澤千重雙淚遠
湘江萬里逐臣孤
經過再拜薦蘋藻
應效當年吊左徒

蟬

愛隱垂楊噪綠烟
印長驚醒北窓眠
鏡中故學佳人髻
掌上應嬌舞女鈿
處處咽殘清曉露
聲吟斷夕陽天
秋深委蛻空山裏
高潔還同物外仙

咏元夕冰燈

火樹燦煌煌，列書堂。獨懸銀燭，映琳琅。雙雙湘佩，
臨波解顆顆，隨珠徹夜光。一片空潭澄淨水，半
輪微月照寒霜。春宵縱飲千巡酒，猶怯餘輝滿
座涼。

玉壺一片差堪同，遙望還疑色是空。夜月遠侵
雲母障，夕陽斜照水晶宮。輝煌影射翻生白，燦
爛花開不見紅。只合高懸何處所，葉珠殿裏廣
寒中。

煬帝行宮

維揚卽麗薈，隋朝萬樹垂。
楊廿四橋螢火光，沉
閭闔殿龍舟聲斷。廣陵潮迷樓，夜片烟花散。那
院春風粉黛銷，玉輦翠華何處所。滿城荒草卽
蕭蕭。

空說繁華勝洛陽，行人千載吊興亡。
龍旂影絕高樓暮，大鳳輦聲殘內閣荒。
弱柳尚疑前殿舞，閒花猶似後宮粧。
茫茫淮水流無盡，江北江南總斷腸。

古意

蕭條商意薄。秋天寂寞流。蘇冷不眠香。燼金猊。
愁夜夜風寒。鏃騎怨年年。狐。礎。擣。落。芳。閨。月。斷。
角。吹。殘。絕。塞。烟。錦。字。織。成。多。少。恨。關。河。迢。迤。若。
爲傳

愛妾換馬

玉勒銀鞍金市東。羅幃錦帳繡牀空。蛾眉愁殺
三更月。龍種嘶殘萬里風。縱使驂騑知牝牡。誰
憐鸞鳳失雌雄。如何兩燠芙蓉色。不及桃花一

點絳

得沈從先書

吳市分携道路賒
相思魂夢繞天涯
鹿麋故戀長林草
鴻雁猶傳茂苑花
入海鮫人珠有淚
渡江衛玠玉無瑕
出門何事車生耳
負却丹山九曲霞

越王臺懷古

寂寞高臺翠色重
居人千載吊遺蹤
殿前烟雨迷銅獸
江上風雷起玉龍
城郭萬家猶禹貢
河

山八郡舊秦封昔時翦紫蕭條盡空有寒潮送
暮鐘

七夕曹能始席上觀伎

商飈蕭瑟露霏霏銀燭花偏月影微桃葉傳情
金縷曲拓枝翹舞越羅衣橋邊帝女逢河鼓洛
上陳王愛宓妃檀板夜深聲更急宵將佳會讓
支機

黃陵廟

蕭條遺廟楚雲傷寶瑟無聲幽恨長千載神教

罨○如○九○疑○峰○色○隔○三○湘○寒○林○杳○宇○咽○秋○月○廢
隴○鷓○鴣○啼○夕○陽○惟○有○江○邊○數○枝○竹○至○今○猶○帶○淚
痕○蒼

燕子樓

嘆○息○人○古○十○度○秋○白○楊○花○老○怨○難○休○東○風○舞○袖
香○銷○燭○夜○片○殘○燈○影○在○樓○一○片○青○銅○粧○閣○閉○兩
行○紅○淚○枕○函○流○年○年○春○色○空○腸○斷○長○日○珠○簾○不
上○鉤

旅次石頭岸

秣陵城外暫停橈無那離心萬里遙極浦蕪葦茂
秋漠漠隔淮烟雨夜瀟瀟大江疊浪浮孤島建
業千峰鎖六朝商女後庭花一曲歌聲哀怨旅
魂銷

縹緲孤城見石頭長淮雲水自悠悠孤村柳色
連荒驛兩岸蘆花隱釣舟殘月微鐘京口夜澹
烟疎雨秣陵秋客中不盡懷鄉感南雁一聲雙
淚流

送老卒還鄉

蕭蕭白髮出重圍
萬里鄉關此日歸
鳥隼不從沙上戰
羽書猶向夢中飛
九邊夜靜閒刁斗
絕塞秋深卸鐵衣
想對故園兒女子
幾回含涕說金微

沙場少小事
縶韉番老生
還別塞垣無限繫
心
思故國不堪回首
望秋原
腸聞寶劍當年氣
臂上金鎗舊日痕
歸到家山明月夜
尚疑烽火照營門

古戰場

欖櫓空照古行營此地猶傳舊戰爭雲雨晝昏
金甲影風雷夜吼寶刀聲連天白草冤魂苦滿
甘黃沙恨血明枯骨河邊看似雪年年惟有亂
鴉鳴

中秋夜邀同社諸子集平遠臺觀塔燈

青山靄靄夜蒼蒼半畝松陰入檻涼桂闕正流
金粟影花宮筆放玉毫光清歌暗逐風聲斷尊
酒寒侵露氣香坐客由來情不淺中宵乘興據
胡牀

寄劉少已廣文

故人遙隔海雲傍
珍重緘書遠寄將
首荷暫淹秦博士
桃花常憶漢劉郎
堂前對客飛三鱸
夢裏還家到五羊
雞肋一官休自嘆
更看詞賦獻長揚

秋夜同顏廷愉黎廷彬王元直瀚上人惟和兄集鄧道鳴行署賦得薇垣夜漏同用花韻

秋宵良會興偏賒
微署看殘更到曉
衙銀箭頻催

天○色○曉○玉○繩○低○度○夜○光○斜○聲○隨○月○下○閨○人○杵○響
雜○軍○中○壯○士○笳○酒○伴○詩○僧○歸○去○晚○轅○門○小○隊○散
高牙

同諸子集廷愉客舍聞歌

將○軍○愛○客○意○翩○翩○旅○舍○頗○開○玳○瑁○筵○半○夜○清○霜
寒○劍○戟○一○天○明○月○送○筆○絃○謾○從○流○水○尋○紅○葉○且
向○青○山○結○白○蓮○文○酒○相○驩○情○不○淺○風○流○誰○復○似
延年

秋日鄧道鳴闌帥見訪

秘雲漢漢作疎疎窮巷何來長者車
胃本關西名將種家傳濟北老人書
萬金結客三千滿一劍登壇四十餘
自是胸中多遠畧不如緩帶狎
樵漁

送陳元凱應貢之京兼省親

翩翩征馬上王畿正值長途百卉腓
雪滿燕臺人如望月明淮浦雁南飛
一身作客雙龍劍萬里寧親五色衣
如此去橋門應早達更誰同采故
山薇

送君歲晚動離憂行色匆匆不可留
暮雨寒風吳苑騎如陽殘雪潞河舟
南宮樹影連仙仗壁水書聲過御樓
正壑雲雷從此別相思兩地總悠悠

輓袁景從先生

廣柳聲隨松柏聲
北邙狐兔嘯新塋
人間吟魄山中冷
天上文星地下明
墓道風雷哀鼓吹
郭門烟雨酒銘旌
詞華自足傳千古
不獨生前太守名

守名

閉却泉臺卽萬春應憐大雅喪斯人握符不復
分銅虎營塋還看墜石麟五尺朱幡雲外轉一
坏黃土隴頭新北山孤塚纍纍起若今能文堪
與鄰

癸巳除夕

獨嗟浴魄困塵埃回首方驚歲月催老却紅顏
殘臘過送將青帝曙光來淚痕已共銅壺滴壯
志應同蠟炬灰柏葉椒花徒自好數聲簫鼓獨
興哀

甲午元旦

海國東風一夜生，強斟柏葉待春明。
麋鹿自昔交還在，犬馬應慚齒漸更。
累世箕裘空有志，十年書劍兩無成。
愁聞鼓吹家家動，催盡韶光是此聲。

三日送鄧汝高赴闕

江上梅花照別筵，尊前酒盡各雲天。
故鄉春信加三日，京國風塵又幾年。
長樂鐘聲隨佩玉，建章柳色引垂鞭。
翻憐同調從今遠，結社何人共

白蓮

人日送李子行吏部謫楚中

驛路春風草色青不堪分別上津亭
莫開七葉逢人日柳折千條送使星
若就新書憐楚客鼓來瑤瑟起湘靈
投閒亦是君恩重莫向江潭笑獨醒

嗟君此去近湘沅司馬青衫濕淚痕
滿路鶯花過楚峽一春風雨度荆門
鄉書好托隨陽雁容思愁聽呌月猿
總爲清時憐遠謫不因離別易

銷魂

擬彭城懷古

彭城自昔帝王州古木遺墟落照收沛國河山
黃葉暮楚都陵寢白雲秋帳中一曲虞歌斷臺
下千年泗水流深夜醉沽樊巷酒劍光遙起斬
蛇溝

古行宮

鑿輿一自罷經過日暮雲深野鳥歌匝地落花
香氣冷滿溝流水淚痕多玉階漸沒新苔蘚金

屋銷殘舊綺羅宮女如花今白首更無長袖舞
婆娑

王母廟

霞佩綃衣玉葉冠人間遺廟儼瑤壇春深花落
閒塔靜歲久苔生古壁寒侍女扶雲持絳節武
皇承露捧金盤忽聞夜半簫聲度知是遙天駕

紫鸞鳥

巫山廟

玉貌曾承楚國恩陽臺深處度朝昏春風野草

侵宮壁落日寒鴉噪廟門十二峰巒猶宿黛色一
天雲雨引香魂宋卿不作襄王死愁絕羅衣拭
淚痕

送王元直之金陵

征帆西去望京華極目雲山夕照斜客路玉孫
隨草色渡頭官妓醉桃花秋高建業潮侵畝夜
半秦淮月滿沙若到烏衣訪遺跡風流依舊屬
君家

花殘鶯老柳絲長送客炎蒸東別裝萬里山川

經越越千秋詞賦遊齊梁華林園已空魚鳥白
下臺應見鳳凰王粲登樓年正少莫因陳迹吊
興亡

寄李伯實移家居秣陵

童穉相逢廿載遙潘郎今已髡毛凋客中竹葉
朝朝醉渡口桃花處處嬌幾點烟雲山北固數
聲鐘磬寺南朝何因倏有驚人賦居近文通夢
筆橋

驛樓送惟和兄北游

夜靜江空欲上潮榜人催喚解蘭橈離腸禁得
 幾迴斷別夢不辭千里遙沙起交河陰漠漠風
 吹易水冷蕭蕭關山迢遞何時盡此是他鄉第
 一宵

酬余宗漢先生見訪

和馬微官懶抑腰歸來生計日蕭條髮多白雪
 狂猶在索少黃金俠未消五岳尋真今尚子雙
 鳧飛鳥舊王喬草廬自愧無奇字何事頻過問
 寂寥

爲王百谷悼亡姬

美人十五嫁王昌，死別春聲九斷腸。
巫峽夢迴空暮雨，藍橋人去罷玄霜。
卅年錦瑟凋餘響，一片青銅改舊光。
獨恨返魂香不驗，溫柔終化白雲鄉。

金屋無緣貯阿嬌，薰籠香燼暈紅銷。
祇因命薄絲難續，誰謂魂歸賦可招。
鳳管聲沉空有恨，蛾眉痕斷不成描。
傷心最是春明柳，猶記當年舞細腰。

送謝左史就養吳興

征途四牡去駢駢
正值若川木葉飛
青鏡流年梳白髮
黃堂長日戲斑衣
勝遊曾記它年醉
久別難期隔歲歸
搔首青天思無限
驚人空憶謝玄暉

題黃明府法雲寺別業

賦歸初服學遺榮
一室禪棲遠世情
官罷萊蕪貧令尹
佛參天竺古先生
雨花尚散河陽影
馴鳥猶飛葉縣聲
墨綬已拋君莫問
緇衣今日好

修行

送康元龍之靈武

賀蘭山下戰塵收，君去征途正值秋。
落日故關秦上郡，斷烟殘壘漢靈州。
胡兒射獵經河北，壯士吹笳怨隴頭。
城窟莫教頻飲馬，水聲嗚咽動鄉愁。

黃河官路黑山程，箛笛橫吹漢月明。
漠北烽烟三二里，塞隴西聲鼓十年兵。
燕鴻度塞寒無影，胡馬行沙暗有聲。
後夜思君勞遠夢，朔風吹過白

登城

挽葉水部椿石先生

九辨招魂不盡哀，錦旌高掛寢門開。
一官拓落居冬署，千載精靈掩夜臺。
殿上香含雞舌冷，柱頭魂化鶴聲來。
冥冥泉路堪沽酒，應與先人數舉盃。

甲午除夕

四隣燈火響歌鐘，堂上椒盤次第供。
爆竹催完今歲曆，屠蘇消盡少年容。
詩書不厭傳家薄，文

字多慚作計，慵欲識浮生。添一載，試聽殘漏咽。
銅龍

乙未元日

一道條風散綠陰，韶光虛度暗傷心。不愁歲去
催人老，翻喜年多識事深。被褐敢云懷白壁，結
交終信重黃金。未能屏却浮生累，依舊留情翰
墨林。

送王震甫入蜀中

司馬長遊着短樨，臨邛爲訪卓王孫。朝登象耳

過蠻嶺夜逐猿聲出劍門彷彿襄王臺上夢淒涼蜀帝月中魂他鄉吊古傷心地落日秋風五丈原

得惟和落第書

歷夏徂冬又復春天涯消息苦難真艱危縱得還鄉信南北誰憐失路人塵土暗消青鬢客呻吟愁倚白頭親一種本是吾家物到處橫經莫嘆貧

得鄧民部書却寄

一札燕鴻遠寄將故人霄漢念滄浪馬蹄日索
長安米雞舌新含畫省香無恙尚憐秦范叔不
堪頰問晉稽康開緘忽見風雲氣驚起馴鷗過
野塘

壽大司馬吳公四首

拂袖早遂赤松遊淮蔡功成未白頭北堂其膽
官八座南山齊獻頌千秋趨朝劍履高簾相絕
代文章重左丘瑤草紫芝堪引歲誰知園綺卽
伊周

清時斧鉞著威名共指中朝老夏卿道德已占
函谷令戎機會握羽林兵門前正值懸弧影殿
上猶傳曳屣聲千載平津今再見儻開東閣引
書生

上書幾度乞歸田洛社爭看鶴髮仙權握水犀
兵十二觴稱珠履客三千黃金不置疏公宅綠
水常游賀老船五岳圖形休用祝丹青今已入
凌烟

幾年綠野遂棲遲帷幄元爲帝者師形畫麒麟

開閣日孤懸
牛女渡河時
銘功南海將
軍柱投
老東山太傅
棋酒已如澠
堪獻壽敢云
不顧尚
書期

廣陵朱敬甫文學客居法雲寺以詩見贈

賦答

莫愁作客畏途賒
且寄游蹤瘴海涯
半世虛名
秦博士千秋大俠
魯朱家
松窓對客時
揮麈蘭
若若尋僧夜
結跏正爾心
知足相樂莫將
魂夢戀
瓊花

送陳永奉之留郡謁趙中丞時予將游白

下

滿目秋陰日色昏不關離思自銷魂斜陽斷雁
青溪渚衰柳啼鴉白下門感舊人哀孫相國留
驪客醉趙平原相期買笑秦淮渡欲別何須洒
淚痕

予馬首將發矣薛晦叔忽有武林之遊賦
此送之

自慚行色太留連何意君行在我先雙屐讓看

三竺二月方舟待泛五湖烟秋聽白苧倡家曲夜
數青蚨酒肆錢可嘆同遊不同發離魂日日馬
蹄前

秋日陳女大鄧汝高陳振狂陳子卿陳紉
孺袁無競惟和兄集綠玉齋時子卿幼
孺惟和下第歸自燕都汝高將奉使入

浙余亦吳越之遊

門掩空山黃葉飛同心聚首此應稀尊前客是
銷魂別天衣人非得意歸一曲離歌催去馬幾

行清淚濕征衣他鄉後夜相思處秋水蘆花黃
鉞磯

留別社中諸子

滿天秋色雁來時離思應隨斷雁悲貧賤依人
投刺懶艱難爲客東裝遲一家十口養娘薄千
里孤身道路危本是浪游非得意不勞同調送
行詩

送汝高督餉浙中

雞舌新含畫省香轉輸應屬度支郎柳攀殘綠

過南浦粟輓陳紅上太倉使者隨星馳漢節
公乘月據胡牀故人督是公家餉他日相尋欲
畏糧

宿劍州次韻答無競

才攀衰柳出河濱又值風帆宿劍津
鄉信未逢歸路客土音初變異州人
暮天雲樹猿啼急秋水蘆花雁叫頻
跡落江湖心自悔青山君莫嘆
沉淪

延平玄妙觀

百折危峰翠色盤。中天樓觀拂雲看。風吹帝子
幢幡捲苔蝕。遊人姓字殘幽壑。水奔龍氣散古
松烟。暝鶴聲寒碧窓深。鎖紅塵。遶晚聲泠泠下
醮壇。

同吳元翰陳旌泰惟和兄游芝山丹青閣
磴道紆廻入杳冥。黃金布地護山靈。雲藏老佛
龕前火。風語阿王塔上鈴。四起峯巒爭紫翠。半
空樓閣剥丹青。歸林啼鳥聲初歇。月照龍池又

誦經

宿冲祐萬年宮

青山如黛水如烟借得玄宮此夜眠一粒金丹
千萬劫兩行香火十三仙虹連彩幔疑秦代魚
薦瑤壇紀漢年雲冷石牀清夢遠闕風扶上大
羅天

丹宿接筍峰懷仙館

別去仙源又四春重來應不畏迷津留題丹嶂
成陳迹初識黃冠若故人一夜烟霞銷俗夢幾
時雲水了閒身敢云絕磴經過熟自與山靈有

夙因

宿天游觀

千峯晚對院門扃
臺起中天近七星
露濕仙人雙掌白
烟迷玉女兩鬟青
羽流花裏窺龍篆
篆童子松間掃鶴翎
何幸雲遊前度客
碧窓重借誦黃庭

遊鼓子嶂道院

重重翠巘絕行蹤
問路猶言過數峯
朽木綠崖欺蜀棧
枯株橫澗亞秦松
鼓留片石聲猶在
仙

去寒巖骨未封獨叩玄關仙犬吠隔雲遙送夕
陽鐘

贈道士李瓊谷

種得瑤芝滿院紅經年服食貌還童鸞傳錦字
青雙翮鵝換黃庭白滿籠丹鼎九還烹心內藥黍
珠一點落中宮夜深御氣朝元去踏斷遙天五
色虹

咏水簾

誰挂冰綃到十洲潺湲不斷酒龍漱微風亂織

絲千縷新片斜懸玉一鉤漢女佩從江上解鮫
人淚向夜深流下方隔絕紅塵遠避却神仙白
玉樓

武夷溪口別元翰惟秦仲魚

悔逐桃花出水頭仙風吹散武夷舟客中得酒
無心醉別後逢山不愛遊蹤跡幾時歸白社夢
魂長日戀丹丘迴腸一夜君知否試看清溪九
曲流

鵝湖道中

鵝湖山色黯秋雲天外鴻聲不可聞半嶺子規
行客路百年翁仲相公墳孤村旅店殘烟滅遠
浦危橋野火焚惟有前林黃葉影一時和淚共
紛紛

旅懷

貧賤羞耕短缺彈天涯空嘆路行難關山見月
圓還缺時序催人暑又寒南雁無情鄉信杳西
風有力客衣單四隣夜夜碁聲急驚斷還家夢
不完

錢塘懷古

禾黍傷心問故都
垂楊夾岸水平湖
孤山客去
哀猿鶴越國臺空
上鷓鴣
南宋寶衣銷
寢殿西
陵羅綺鬢
櫂楫
錢王強弩
三千盡
落日寒潮
霸骨枯

鄧汝高使君招遊龍井

歷盡層巒覺路迷
晚鐘初起夕陽低
泉當石竇
分聲落鳥到香林
作意啼錦綬
暫拋黃葉寺
青帘同訪綠楊堤
使君自與山靈熟
千騎驕行不

敢嘶

同謝伯元宿淨慈蘭若

湖影千重路幾盤
南屏深處訪梅檀
林間病葉經霜墜
枕上疎鐘過月殘
僧榻入秋山
麝冷佛堂近
水石燈寒自知色
相難空盡暫息塵
心宿戒壇

雷峰訪虞長孺僧孺所居

同奉浮圖了幻身
儼然無着與天親
尋將樵牧爲游侶
買斷烟霞作近隣
問字門人携酒慣
講

經方衲扣關頻湖心鏡水澄秋月悟得西來意
總真

同方伯文林朝望游三天竺一

處處叢林落葉飛北山行盡欲斜暉鶴窺刹影
分群下僧聽鐘聲認寺歸其是法門無去住同
來佛國總皈依清幽不異三天界何必西方覓
淨機

客武林寄懷薛君大時初歸閩

南北浮蹤兩不知我來君去見無期王孫草綠

青鷗遠客子魂歸白雁知孤枕寒當雪落後愁
腸斷向月明時西湖縱是堪遊目采得芙蓉好
寄誰

得陳伯孺幼孺書

開緘一一報平安不異家書寄我看故國祇言
歸去好交情都說別來難孤身憶遠魂空斷兩
月思鄉淚始乾流落天涯嗟旅食令人何處可
加餐

客中感懷寄林叔度

卷之三十一
三
何處侯門官禮賓滿衣涕淚與埃塵淒風苦雨
懷歸客剩水殘山問渡人身賤頓銷輕世志愁
多應損少年神故交同病無消息朝向燕齊暮
向秦

客舍卽事寄惟秦

窓外淒涼落葉聲枕邊絡緯咽殘更秋鐘已斷
風吹杵寒火無光月滿城客苦每成幽憤句途
危或藉貴交名飄零寄食誰堪托酒淚他鄉意
未平

天聖寺

遙辨幢幡問飛壇雲房歲久碧苔乾龜當碑斷
跌猶在龍遇僧歸勢錯盤偈演青蓮留貝葉未盡
昏紅壁隱琅玕興亡却感前朝事檜死堂空落
日殘

謝在杭招遊峴山同顧長卿世卿得泉字
郭外群峰拱梵筵草深無字古碑眠拍肩不礙
松間月漱齒還尋石上泉遠浦霜林紅夾岸澄
湖烟浪碧連天主人喜蠟登山屐沽酒何妨拍

俸錢

同在杭長卿世卿碧浪湖泛月

風捲蘆花雪滿林漁歌聲斷雁歸音山衝巨浪
青浮玉片浸中流白湧金若雪溪迴舟並入烏
程家近酒雙斟不須穩客棹車輪極目湖光烟
水深

道場山拜孫太初墓

三尺孤墳土欲傾却因詞賦拜先生白楊夜雨
墓門冷青草暮雲山路平半碣舊曾題歲月一

杯誰復奠清明隔隣石馬嘶風立來往何人識
姓名

吊董伯念儀部

半夜文星落九泉千秋詩絕五湖邊誰知文舉
登龍日正值命感化鶴年丹旄黃棺宗伯第白
楊青草茂陵阡南潯烟水茫茫遠欲吊吟魂一
惘然

同顧道行學憲遊峴山憇滴翠軒

雙展相携渡水雲微微仙梵下方聞鶴投古剎

分秋霽僧踏踈林背夕曛浪起碧翻孤塔影草
生青沒斷碑文躋攀共是山中服來往無人識
使君

吳門懷古

館娃宮廢暮雲低城上無人更望齊牒響空廊
遊鹿卧鐘鳴孤寺亂鳥啼千秋寶氣留金虎十
二軍聲罷水犀翻業鼎圖銷歇盡荷花香散大

湖西

同張成叔吳石甫黃仲華錢功父集張幼

于曲水草堂因憶與吳之衛林碩堂對
酒鼓琴倏忽五載而二君相繼物故悽
然傷感

五年不到仲長園歲暮重來欲斷魂此日交情
千里合向時遊侶幾人存梁間舊榻塵生滿屋
後荒池葉落繁後會無期離別易只憑飛夢入
閭門

贈雁門太守黃梓山擢雲中兵備

白登山下虜塵收開府論兵鎮朔州官是雲云中

前太守符分關內古諸侯雁門塞古黃花暮馬
邑城高白草秋身遠君王頗願問新寒先賜紫
貂裘

劉會卿太醫以二月十四日初度索詩爲
贈

閒身杖屨日逍遙六十年來髻未凋桃實熟當
栽杏處桑弧懸近看花朝青囊自得函中秘金
屋多藏掌上嬌吳市新添高士宅芳名堪並伯
通橋

過王德操幽居

衡門閒掩薜蘿風。日日棲遲一畝宮。
震澤水聲流舍下。秦餘山色落窓中。
長齋不異唐蘇晉。高逸還如漢伯通。
莫笑僧牛身自隱。由來家世是墻東。

鄧汝高計部招遊毗山同王玉生謝在杭

分得人字

青山遙控雪溪濱。樽酒相逢總故人。
霜落黃飛孤寺葉。風來白蕩一洲蘋。
嬌歌隊隊分吳楚。離

思重重隔越閩日暮使君千騎返桑間紅粉避
車塵

送方伯文林朝望下第還莆兼懷余宗漢

吳元翰

敝盡貂裘髮有絲匆匆相見不勝悲天涯對酒
思鄉曲旅館挑燈話別離送客魂銷歸馬日懷
人淚落聽猿時贈君欲折西湖柳霜脆蘇堤一
萬枝

逢鄭翰卿話舊

南北分携歲幾更。天涯無處不勝情。他鄉蹤跡
同漂泊。故國親知半死生。海內空爲孤劍客。世
間誰重布衣名。明朝又是無家別。愁聽霜前白
雁聲。

歲暮柬鄭翰卿

水國殘年日易斜。逢君逆旅倍堪嗟。馳驅江海
愁邊路。迤邐關河夢裏家。遠道玉孫傷草色。故
園兄弟隔梅花。天涯落魄空回首。時序催人感
歲華。

聞翰卿談邊事

朔雲邊月度陰山十載談兵萬里還夜半聞雞
函谷路雪中驅馬穆陵關劍在欲飲匈奴血金
盡難凋壯士顏爲問防秋漢諸將漁陽鼙鼓幾
時閒

除夜前二日同徐茂吳金漢孫鄭翰卿集

汪肇印宅觀妓分得人字

華堂良會酒千巡銀燭光中翠袖新歌按竹枝
湖上曲魂銷桃葉渡頭人雙飛何日携蕭史七

步○誰○能○賦○洛○神○滿○座○不○愁○寒○色○重○樽○前○別○有○可
憐○春

乙未武林除夕

落○日○荒○城○起○暮○笳○旅○游○蹤○跡○滯○天○涯○一○年○雙○淚
空○爲○客○千○里○孤○身○不○到○家○燈○下○何○人○分○柏○葉○隴
頭○無○使○寄○梅○花○四○隣○簫○鼓○催○殘○漏○夢○斷○閩○南○鄉
路○賒

鼇峰集卷之十三終